

SLT Handlingsplan 2024

Samordning av lokale rus- og kriminalitetsforebyggende tiltak i Aukra



Innhold

BAKGRUNN	2
MÅL MED SLT	2
SLT-MODELLEN - ORGANISERING	3
DET STYRANDE NIVÅ = POLITIRÅDET I AUKRA.....	3
DET KOORDINERANDE NIVÅ = SLT-KOORDINERINGSGRUPPA	4
DET UTFØRANDE NIVÅ = JOBBAR DIREKTE MED BARN OG UNGE	4
SLT-KOORDINATOR.....	5
TILBAKEBLIKK PÅ 2023	5
MÅL OG TILTAK FOR 2024	7

BAKGRUNN

Visjon: Alle barn og unge skal vere inkludert og kjenne at dei høyre til i Aukra kommune.

Kommuneplanen sin samfunnsdel for Aukra 2030

Kommuneplanen sin samfunnsdel for Aukra 2030 er overordna i kommunen, og barn og unge er ei av åtte satsingsområde.

Kommuneplanen sin samfunnsdel har følgjande fokus når det gjeld barn og unge:

- Systematisk og tverrfagleg samarbeid skal prege alt arbeid overfor barn og unge. Tidleg innsats er eit kriterium for å lukkast.
- Eit godt fysisk oppvekstmiljø
- Eit godt psykososialt oppvekstmiljø
- Utjamne sosiale skilnader
- Medverknad frå barn og unge

“Betre oppvekst”

Statsforvaltaren i Møre og Romsdal har utarbeidd fire strategimål som satsinga «Betre oppvekst» skal bygge vidare på for å trygge barn og unge sin oppvekst. Dei fire måla er:

- Sikre medverknad
- Betre det fysiske oppvekstmiljøet
- Betre det psykososiale oppvekstmiljøet
- Redusere dei negative konsekvensane av sosiale skilnader

Barne- og ungdomsplanen for Aukra 2021-2030

Ny Barne- og ungdomsplan for Aukra 2021-2030 er styrande for tilsette som jobbar med barn og unge, i tillegg finn vi planarbeid med barn og unge i kulturplanen, rammeplan for barnhagar, handlingsplan mot vald i nære relasjonar, plan for rus/psykisk helse med fleire.

MOT

Aukra kommune er ein MOT- kommune og kommunen har ansvar for å utvikle og forsterke ei felles verdiplattform der vi arbeider for å skape robuste barn og unge.

SLT

SLT er ein samordningsmodell for lokale, førebyggjande tiltak mot rus og kriminalitet. SLT sikrar at dei ressursar som allereie finnes hos kommunen og politiet, blir meir samkøyrde og målretta. SLT-arbeidet inngår som ein del av den heilskaplege satsinga for barn og unge i Aukra kommune frå 0-25 år. Samordninga skal bidra til at barn og unge får rett hjelp til rett tid.

MÅL MED SLT

Det er mange som kvar dag legg ned ein stor innsats for å gje barn og unge betre oppvekstvilkår i Aukra. "Samordning av lokale rus- og kriminalitetsførebyggjande tiltak" (SLT) handlar om å gjer denne innsatsen meir effektiv ved å samordna dei gode kreftene i kommunen. Samordninga skal bidra til at barn og unge får rett hjelp til rett tid.

Kriminalitetsførebygging handlar om å satse systematisk på å unngå kriminalitet i staden for å reparere. Det handlar om å analysere korleis problematisk åtferd og kriminalitet oppstår, for deretter

å sette inn konkrete tiltak retta mot årsaka til problema. Innsatsen må vere mangfaldig og rettast mot både sosiale miljø, enkeltpersonar og fysiske omgjevnader.

Kriminalitet er ofte nært knyta til andre problemområde og heng saman med samfunnet si generelle førebygging. For eksempel vil tiltak for å førebygge utanforskap eller rusmisbruk blant unge, også førebygge kriminalitet.

Å sikre gode og stimulerande oppvekstvilkår for barn og unge og sørge for tidleg hjelp og støtte vil kunne bidra til mindre problemåtferd, rusmisbruk og kriminalitet.

Ein gjennomtenkt førebyggjande innsats der kunnskap og ressursar vert koordinert i eit forpliktande samarbeid mellom politi, kommune og frivillige aktørar (næringsliv, frivillige organisasjonar, etc.), vil spare mennesket og lokalsamfunnet for store tap.

(SLT-håndboka, Bugge, et. al, 2011)

Link til SLT-handbok:

[SLT-handboken-juni-2021.pdf \(konfliktraadet.no\)](#)

SLT-MODELLEN - ORGANISERING

I Aukra er det førebyggjande arbeidet organisert etter SLT-modellen sin "gullstandard" som er ein tre-nivåmodell koordinert av SLT-koordinator.

DET STYRANDE NIVÅ = POLITIRÅDET I AUKRA

Føresetnad: Styringsgruppa består av toppleiarar frå kommunen og politiet. I Aukra kommune er politirådet det styrande nivå i SLT-modellen.

Møteverksemd: Fire møter i året à to timer per møte

Deltakarar:

- Ordførar
- Kommunedirektør
- Kommunalsjef for drift,
- Kommunalsjef for plan
- Kultursjef
- Politistasjonssjef i Molde
- Politikontakt for Aukra
- SLT-koordinator

Mandat:

- Angi klare mål og prioriteringar for rus- og kriminalitetsførebygging og sørge for å innarbeide desse i det kommunale planverket.
- Sørge for innhenting av nødvendig kunnskap om dei felt arbeidet blir retta inn mot.
- Ha det avgjerande ord når det gjeld koordinatoren si faglege verksemd, i samspel med dei nettverk kommunen har etablert i SLT-arbeidet.

Overordna strategimål for politirådet i Aukra, utarbeida 09.06.2020:

- Førebygging: Politirådet skal leggje til grunn eit førebyggjande perspektiv.
- Operativ: Politirådet skal kunne ta avgjerder av operativ karakter.

- Tverrfagleg samarbeid: Politirådet er basert på gjensidig informasjonsutveksling der målet er koordinert innsats.
- Kommuneplan for Aukra: Politirådet skal følgje opp kommuneplanen sine satsingar og ha eit spesielt fokus på barn og unge.
- Samordning av lokale rus- og kriminalitetsførebyggjande arbeid (SLT): Det rus- og kriminalitetsførebyggjande arbeidet skal organiserast etter SLT-modellen

DET KOORDINERANDE NIVÅ = SLT-KOORDINERINGSGRUPPA

Føresetnad: Deltakarane er sentralt plassert innanfor sin arbeidsplass, med myndigheit til å ta avgjersler og nær kjennskap til utfordringane innanfor arbeidsfeltet.

Møteverksemd: Fem møter i året à to timer per møte (årets siste møte er på fire timer og blir saman med “Ung i Aukra” gruppa)

Deltakarar:

- Einingsleiarar frå kultur, innvandring og integrering, NAV, barnehagar, skular, og heimetenesta
- Leiande helsesjukepleiar
- Kommunalsjef (drift)
- Folkehelsekoordinator
- Pedagogisk rådgivar
- Seksjonsleiar for avdeling «Etterretning, førebygging og etterforskning» ved Molde politistasjon
- Representant frå barnevernet i Molde, Aukra og Vestnes
- Representant frå PPT for Aukra og Molde
- Representant frå fylkeskommunen
- Representant frå næringslivet

Mandat:

- Ansvar for praktisk koordinering av det rus- og kriminalitetsførebyggjande arbeidet ut frå rammene fastsett av styringsgruppa/politirådet.
- Deltakarane skal vere bindeledd mellom sine einingar og koordineringsgruppa, føre problemstillingar mellom desse og gjennomføre idé- og erfaringsutveksling.
- Ut i frå kunnskapskjelder og erfaring avdekke utfordringar kommunen står overfor.
- Skaffe seg kunnskap om korleis desse utfordringane best kan møtast.
- Fatte slutningar, sette inn tiltak og koordinere innsatsen på tvers av tenestene.

DET UTFØRANDE NIVÅ = JOBBAR DIREKTE MED BARN OG UNGE

Føresetnad: Det utførande nivået må ha god kommunikasjon og godt samarbeid med det koordinerande nivået

Deltakarar: Alle som jobbar direkte med barn og unge f.eks. i kommunen, politiet, frivillige organisasjonar, osv.

Mandat generelt: Ansvar for at måla til politirådet og koordineringsgruppa vert omsett i praksis.

Mandat for “Ung i Aukra” gruppa: “Ung i Aukra” gruppa skal Drøfte utfordringsbildet på tvers av fagfelt og samle informasjon som gir eit heilheitsbilde av trendar og fenomen blant barn og unge i Aukra. Relevant informasjon meldes inn til SLT-koordinerings-gruppa. Gruppa skal også dele

informasjon til ungdom via aktuelle kanalar.

Møteverksemd:

- “Ung i Aukra” med fire møter i året à 2 timar
- Månadlege møter à 1 time med politikontakt og SLT-koordinator i Aukra og Molde
- Månadlege møter à 1 time mellom førebyggjarar i politiet og psykisk helse- og rustenesta
- Faste møter kvar veke mellom Molde politistasjon og barnevernet i Molde.
- Faste møter med kriminalitetsførebyggjarane ved Molde politistasjon og helsesjukepleiarar frå Molde og Aukra.
- Månadlege møter à 1 ½ time mellom politi og “ressursnettverk for førebygging av radikalisering og valdeleg ekstremisme” i Molde og Aukra.
- Eventuelle SLT-arbeidsgrupper

Deltakarar i “Ung i Aukra”:

- Ungdomslos/MOT-coach
- Miljørettleiar frå Julsundet skole
- Avdelingsleiar frå Gossen barne- og ungdomsskole
- Helsesjukepleiar
- Miljøterapeut frå Innvandring og Integrering
- Politikontakten for Aukra
- SLT-koordinator
- Frivillige lag og organisasjonar (GIL og Ekko Aureosen)

Det vil også bli gitt invitasjon til representant frå natteravn og ungdomsrådet. Det er ei målsetting at ungdomsrådet deltek med to representantar to møter i året (mot sommar og mot jul)

SLT-KOORDINATOR

SLT-koordinator har følgjande oppgåver:

- Koordinerer det rus- og kriminalitetsførebyggjande arbeidet
- Sekretær i det styrande nivå (politiråd)
- Koordinerer og leier det koordinerande nivå, “Koordineringsgruppa” og det utførande nivå, “Ung i Aukra”
- Systematiserer og koordinerer dei ulike nivåa
- Legg til rette for informasjonsutveksling og kunnskapsutvikling med regelmessig møteverksemd
- Skapar prosessar
- Initierer og sikrar iverksetting av nye tiltak
- Bidreg til at tenestene samordnar seg, oppnår felles problemforståing og målsetting og at tiltak vert gjennomført og evaluert
- Pådrivarfunksjon (motivere og inspirere)

TILBAKEBLIKK PÅ 2023

“Midt i trynet”

Rusføredraget «Midt i trynet» var eit initiativ gjort av frivilligheita våren 2023. Det blei samla inn pengar frå privatpersonar og firma for å dekke kostnadane til føredraget. Kommunen stod for lokale og kommunen sin SLT-koordinator koordinerte arbeidet. Elevar, foreldre og tilsette deltok på rusføredraget som skildra ei historie om vegen inn i eit rusmiljø.

Det blei utarbeid eit digitalt evalueringsskjema til elevane i etterkant av rusføredraget. Resultata frå evalueringa viste med få unntak at elevane fann føredraget nyttig og lærerikt og dei anbefalte liknande føredrag i framtida.

SLT-arbeidsgruppe - Rusførebygging i Aukra

SLT-koordineringsgruppa var samde om å etablere ei arbeidsgruppe med mandat om å utarbeide ein plan/rutine for rusførebygging i Aukra. Arbeidsgruppa blei etablert mai 2023 og hadde representantar frå skole, helsestasjon og psykisk helse og rus, koordinert av SLT-koordinator. Det blei gjennomført fire møter før sommaren der gruppa fekk drøfta innhald og samla inn kunnskap. Det blei også gjennomført gruppearbeid i SLT-koordineringsgruppa som kom med innspel til planen. Ungdomsrådet har også fått uttale seg kring innhald i planen.

Arbeidet innanfor rusfeltet har hatt ein bevegelse dei siste åra som har gjort arbeidet med planen meir krevjande. Planen er framleis under arbeid, men vil vere ei prioritert oppgåve og med mål om å ferdigstillast våren 2024.

SLT-seminar 2023

Årets SLT-seminar blei gjennomført på ettermiddagen 25.10.23. Dette var etter ønske frå rektorane i Aukraskolen i 2022 for at fleire tilsette i skolen skulle få mogelegheit til å delta. Ved at det blei gjennomført på ettermiddag, ville også foreldre ha mogelegheit til å delta. Dermed blei alle som har eit rus- og kriminalitetsførebyggjande ansvar for barn og unge invitert. Det var i overkant av 100 personar som meldte seg på seminaret og deltakarane var breidt representert.

SLT-seminaret var mellom anna lagt opp til å vere ein oppfølgjar av rusføredraget «Midt i trynet» som fleire tilsette, foreldre og ungdomsskoleelevane deltok på våren 2023. Rusføredraget skildra ei historie om vegen inn i eit rusmiljø. Politiet skildrar ei negativ utvikling med ungdom og rus der debutalder for fest med alkohol og å prøve narkotiske stoff, er blitt lågare. Dette er problemstillingar som må løyast i fellesskap, på tvers av einingar og i samarbeid med foreldre. Peder Kjøs blei invitert inn som føredragshaldar til SLT-seminaret for å gje oss gode råd i dette arbeidet. I tillegg til dette holdt radikaliseringskontakt i Møre og Romsdal politidistrikt innlegg om hatprat og dei konsekvensar det kan få for demokratiet. Prosjektleiara for BTI saman med helsestasjonen gav ei innføring i kommunen sin nye samhandlingsmodell som skal sikre betre tverrfagleg innsats for barn og unge i Aukra. Seminaret blei finansiert av BTI-tilskotet frå Bufdir og frå tilskotet til førebygging av radikaliserings og valdeleg ekstremisme gitt av Sekreteriatet for konfliktrådene (Sfk).

Radikalisering og valdeleg ekstremisme

Mentoropplæring:

Det blei gitt tilskot pålydande kr. 50 000,- frå sfk til opplæring av to nye mentorar i arbeidet med førebygging av radikaliserings og valdeleg ekstremisme mars 2022. Det er per i dag éin person tilhøyrande innvandring og integrering, som har gjennomført opplæringa gjennom RVTS vest sitt opplæringsprogram i Bergen. Resterande midlar er overført til 2024 og er øyremerka mentoropplæring.

Det blei søkt nytt tilskot til Sfk innan fristen 01.12.23 pålydande kr. 40 000,- med følgjande ordlyd:

- Rus og kriminalitetsførebyggjande arrangement for ungdom i Aukra.

- Kompetansehevande kurs/seminar for Aukra sine mentorar
- Reise og bevertning i samband med deltaking i Molde kommune sitt ressursnettverk "Førebygging av radikaliserings og valdeleg ekstremisme".

Følgande orienteringar er gjennomført:

- Ny samarbeidsavtale mellom Aukra kommune og Møre og Romsdal politidistrikt
- Konfliktrådet - Korleis kan konfliktrådet bidra inn i det rus- og kriminalitetsførebyggande arbeidet i kommunane?
- Einingsleiar frå heimeteneste - Rådgivande eining for russaker i Aukra
- Kultursjef – Ungdomslos frå prosjekt til ordinær drift
- Kultursjef - Møteplass for ungdom med fast vaksenperson
- BTI-prosjektleiar - Innføring av BTI-modell – Betre tverrfagleg innsats
- Einingsleiar i NAV – Kvalifiseringsprogrammet
- Rektorane: Sommarjobb for 10. Trinn elevar
- Oppfølgingstenesta - Deira tilbod, samarbeidspartar og erfaringar
- Presentasjon av krisesenteret for Molde og omegn
- Kommunalsjef drift – Introduksjon av "Handlingsplan for voldt i nære relasjonar 2021-2025"
- Politiet – Ytringsfrihet vs straffelova
- Einingsleiar for heimetenesta - Innføring av helseplattformen
- Einingsleiar for heimetenesta – Barn og unges helsetenester i Møre og Romsdal
- Tilbakemeldinga frå Ung i Aukra – gruppa (det utførande nivå i SLT-modellen)
- Gossen Barne og ungdomsskole – Presentasjon av tiltaket "Små"
- Einingsleiar i familievernkantoret – Orientering om deira tenester og tilbod

MÅL OG TILTAK FOR 2024

SLIK VIL VI HA DET (MÅL): FØREBYGGE RUS OG KRIMINALITET KRING BARN OG UNGE			
SLIK GJER VI DET (DELMÅL):	TILTAK	ANSVAR	TIDSPUNKT
1.Sikre tett samarbeid og oppdatert kunnskap om oppvekstmiljøet og kriminalitetsbildet (generelt)	1.1 Ungdata 2024 - Nytte Ungdata-resultata som kunnskapsgrunnlag inn i SLT-arbeidet	- Styrande nivå - Koordinerande nivå - Utførande nivå	Gjennom heile 2024
	1.2 Politiråd (det styrande nivå) - Følgje strategiplan for politirådet - Prioritering for kommunen sitt SLT-arbeid.	-Styrande nivå -SLT-koordinator	Tysdag 27.02.24 kl. 1310-1510 Tysdag 14.05.24 kl. 1310-1510

	<ul style="list-style-type: none"> - Fire årlege treffpunkt for å dele kunnskap og erfaring. - Styrke det førebyggjande arbeidet. - Sikre informasjonsflyt mellom nivåa i SLT-modellen. - Innhente nødvendig kunnskap 		<p>Tysdag 17.09.24 kl. 1310-1510</p> <p>Tysdag 10.12.24 kl. 1310-1510</p>
	<p>1.3 Koordineringsgruppa (Det koordinerande nivå)</p> <ul style="list-style-type: none"> - Fire SLT-møter - Eitt arbeidsseminar med evaluering og planlegging for neste år. - Dele bekymringar rundt barn og unge samt dele viktig informasjon frå sin teneste/organisasjon (tiltak/tilbod/aktivitetar). - Drøfte problemstillingar og sette inn nødvendige tiltak. - Etablere nødvendige arbeidsgrupper for meir utredning og forslag til løysingar av eventuelle problemstillingar. - Dialog og deling av informasjon i SLT Teams-gruppa - Deling av informasjon på mail - Kvar enkelt vidareformidlar kunnskap på sin arbeidsplass. - Sikre informasjonsflyt mellom nivåa i SLT-modellen 	<p>-Koordinerande nivå (sjå under "SLT-modellen - organisering" for deltakarar i koordineringsgruppa)</p> <p>-SLT-koordinator</p>	<p>Onsdag 07.02.24 kl. 1310-1510</p> <p>Onsdag 03.04.24 kl. 1310-1510</p> <p>Onsdag 05.06.24 kl. 1310-1510</p> <p>Onsdag 02.10.24 kl. 1310-1510</p> <p>Onsdag 04.12.24 kl. 1145-1515</p>
	<p>1.4 Det utførande nivå</p> <ul style="list-style-type: none"> - Fire møter i "Ung i Aukra"- gruppa - Månadlege samarbeidsmøte mellom politikontakt og SLT-koordinator. - Månadlege samarbeidsmøte mellom avdeling for psykisk helse og rus og politiet angående ruskontrakt, trendar og situasjonsbildet. - Ukentlige møte mellom barnevern og politiet - Fast møteverksemd mellom politiet i Molde og helsesjukepleiarar i Molde og Aukra. - Månadlege møter mellom politiet og ressursnettverket for førebygging av radikaliserings og valdeleg ekstremisme i Molde og Aukra. - SLT-arbeidsgrupper ved behov. 	<p>-«Ung i Aukra» gruppa (Sjå under "SLT-modellen - organisering" for deltakarar)</p>	<p>«Ung i Aukra»:</p> <p>Torsdag 29.02.24 kl. 0830-1030</p> <p>Torsdag 25.04.24 kl. 0830-1030</p> <p>Tysdag 12.09.24 kl. 0830-1030</p> <p>Onsdag 04.12.24 kl. 1145-1345 (same møte som SLT-koordineringsgruppa)</p>

	1.5 SLT - seminar 2024 (ungdom) <ul style="list-style-type: none"> - Etablere arbeidsgruppe (ungdomsråd og tilsette i kommunen) - Invitere aktuelle føredragshaldarar (lokale og eksterne). - Lage og sende ut invitasjon - Praktisk (servering, lokale, etc.) 	-SLT-koordinator -Koordinerende nivå -Utførende nivå -Arbeidsgruppe for SLT-seminar - Skolane	Planlegging: Vår 2024
	1.6 Auke kunnskap <ul style="list-style-type: none"> - Være oppdatert på oversiktsarbeidet i kommunen for å auke kunnskapen om utfordringsbildet. - Auke kunnskap i SLT-nettverket gjennom informasjon om aktuelle tema. 	-Aukra kommune -Folkehelsekoordinator -Politiet -Koordinerende nivå -Eksterne -Samarbeidspartar -Utførende nivå	Pågåande arbeid gjennom heile året.
	1.7 Synleggjering av SLT-arbeidet <ul style="list-style-type: none"> - Oppdatert informasjon om SLT-modellen på kommunen si heimeside. - Gjer SLT-arbeidet kjent for tilsette og innbyggjarar. 	-Aukra kommune -Politiet -SLT-nettverket -SLT-koordinator	Pågåande arbeid gjennom heile året.
2.Vidareutvikle eit trygt og inkluderande miljø for barn og unge (byggande)	2.1 Kontakt med lag/foreiningar/frivillige <ul style="list-style-type: none"> - Utveksle erfaringar, dele kunnskap om barn og unge og om førebyggjande arbeid. - Drøfte korleis vi kan samarbeide og utfylle kvarandre best mogeleg. 	-Koordinerende nivå -Utførende nivå -SLT-koordinator -Politikontakt -Ung i Aukra- gruppa	Pågåande arbeid gjennom heile året.
	2.2 Kontakt med foreldre <ul style="list-style-type: none"> - Opprette vidare kontakt med FAU på Julsundet skole og Gossen barne- og ungdomsskole. - Sjå på andre mogelege kanalar for å spreie informasjon. - Nytte seg av Visma i dei tilfelle viktig informasjon må delast med foreldre. - Dele aktuell informasjon i sosiale media kanalen "Ung i Aukra" 	-SLT-koordinator -Koordinerende nivå -Utførende nivå -Politikontakt	Pågåande arbeid gjennom heile året
	2.3 Møteplass for ungdom med fast vaksenperson <ul style="list-style-type: none"> - Gjennomføre årlege møter med foreldrevakter og natteravnar for "Open kveld" og månadlege arrangement. Arrangør: Kommunen i samarbeid med politiet - Tryggleiksvandring i skolekretsen 	-Koordinerende nivå -Aukra kommune -Styrande nivå -Utførende nivå -Miljøarbeidarane i kulturavdelinga -SLT-koordinator -Politikontakt	Skolestart - august/september

	2.4 MOT <ul style="list-style-type: none"> - Følgje opp begestrings dagar - Involvere unge motivatorar og unge MOT leiarar i SLT-arbeidet 	-Aukra kommune -Styrande nivå -Koordinerande nivå -Utførande nivå	Pågåande arbeid gjennom heile året
	2.5 Informasjonskanalar <ul style="list-style-type: none"> - Vidareutvikle "Ung i Aukra" - Informasjonskanal til ungdom gjennom sosiale media og kommunens nettsider (også nyttig for foreldre). 	-Koordinerande nivå -Ung i Aukra – gruppa -Utførande nivå	Fast møteverksemd fire gangar i året
3.Styrke systematisk rus- og kriminalitetsførebyggjande arbeid retta mot alle (førebyggjande)	3.1 Bette tverrfagleg innsats (BTI) <ul style="list-style-type: none"> - Bidra til implementering og overgang til ordinær drift av BTI-handlingsretteleiar og stafettlogg - Følgje opp utarbeid kompetanseplan etter rapport frå BTI-undersøkinga - Arbeide vidare med å gjer BTI-modellen kjent for alle i kommunen 	-Prosjektleiar for BTI -Alle som direkte og indirekte jobbar med barn og unge i Aukra	Pågåande gjennom heile året
	3.2 Undervisning til barn og unge <ul style="list-style-type: none"> - Førebyggjande undervisningsopplegg (til dømes «Delbart») - Livsmeistringsprogrammet "Livet og sånn" (NRK sin rusdokumentar med Leo Ajkic er anbefala inn i dette programmet) - Vurdere saman med skole kva det inneberer å bli ein Dembraskole - Vurdere saman med skole kva det inneberer å bli en "kjentmann-skole" 	-Koordinerande nivå -Politiet -Utførande nivå i skole og politi -SLT-koordinator -Pedagogisk rådgivar i Aukra	Følgjer skolen sitt årshjul
	3.3 Opplysning <ul style="list-style-type: none"> - Informasjon til foreldre om rus og ungdomstid - Opplyse om webinar/kurs for foreldre. 	-Skole -Barnehagen -Koordinerande nivå -SLT-koordinator	Pågåande arbeid gjennom heile året
	3.4 Psykisk helse <ul style="list-style-type: none"> - Følgje opp arbeidet med barn og unges helsetenester i Møre og Romsdal - Organisere arbeidet til det beste for barn og unge og etter ny plan for psykisk helse og rus i Aukra 	-Styrande nivå -Koordinerande nivå -SLT-koordinator -Utførande nivå	Pågåande arbeid gjennom heile året
	3.5 Rutine/plan for rusførebygging i Aukra <ul style="list-style-type: none"> - Følgje opp arbeidet med innsamla data og materiale gjennomført av SLT-arbeidsgruppa for rusførebygging i Aukra og aukraskolen mai 2023 	-SLT-koordinator -SLT-arbeidsgruppe for rusførebygging i Aukra -Koordinerande nivå -Styrande nivå	Pågåande arbeid gjennom heile året

	<ul style="list-style-type: none"> - Skrive ferdig rettleiar/plan for rusførebygging i Aukraskolen - Etablere rutinar for rådgivande eining for rus-saker og rusproblematikk blant ungdom (U18) - Etablere rutinar for frivillige ruskontraktar i Aukra 	<ul style="list-style-type: none"> -Koordinerande nivå -Utførande nivå 	
	<p>3.6 Førebygge radikalisering og valdeleg ekstremisme</p> <ul style="list-style-type: none"> - Følgje opp arbeidet i «Rettleiar ved bekymring for radikalisering og valdeleg ekstremisme». - Kompetanseheving for mentorane (tre stk per 15.12.23) - Tilby Mentor-opplæring for tilsett i skole - Delta i Molde kommune sitt ressursnettverk mot radikalisering og valdeleg ekstremisme. - Søke midlar for 2025 	<ul style="list-style-type: none"> -Styrande nivå -koordinerande nivå -Utførande nivå -SLT-koordinator -Radikaliseringkontaktane i Aukra -Mentorane i Aukra 	<p>Månadlege møter med ressursnettverket mot radikalisering og valdeleg ekstremisme i Molde og Aukra</p>
<p>4.Systematisk oppfølging av barn og unge i risiko og/eller barn og unge som har utvikla vanskar (kriminalitetsførebyggande)</p>	<p>4.1 Tydeliggjering av roller og ansvar</p> <ul style="list-style-type: none"> - Intern avklaring på kven som har ansvar for kva når det gjeld oppfølging av barn og unge i risiko og barn og unge med omfattande vanskar. - Informere foreldre om deira og kommunen sitt ansvar. - Følgje opp nasjonal rettleiar for "Samarbeid om tjenester til barn, unge og deres familier" (IP, barnekoordinator, alminneleg koordinator). - Etablere tverrfagleg møteforum til det beste for utsette barn og unge der BUP kan delta - Følgje opp arbeidet med barn og unge sine helsetenester i Møre og Romsdal (helsefonna-modellen) 	<ul style="list-style-type: none"> -Aukra kommune -Styrande nivå -Koordinerande nivå -Utførande nivå -Spesialisthelsetenesta 	<p>Pågåande arbeid gjennom heile året.</p>
	<p>4.2 Oppfølging av barn og unge som har utført lovbrøt</p> <ul style="list-style-type: none"> - Sikre tett samarbeid med interne og eksterne aktørar blant anna konfliktrådet og politiet når det gjeld frivillige ruskontraktar, ungdomsstraff og ungdomsoppfølging. 	<ul style="list-style-type: none"> -Koordinerande nivå -Politiet -Utførande nivå 	<p>Arbeidet er aktuelt gjennom heile året.</p>